

# Otro decision descabeya

ORANJESTAD (AAN) E ultimo dianan nos tur ta sinti cu e famia Holloway cu ta busca desesperadamente nan yiu muher di 18 aña, kende ta perdi for di diadomingo siman pasa.

E asunto aki a yega asina leu cu FBI Americano a bin pa duna asistencia na cuerpo policial cu e speranza di por localisa Natalee mas lihe cu ta posibel y Dios mediante, na bida y den bon salud.

No obstante tur locual cu pueblo di Aruba den su totalidad a haci pa yuda, no a logra haya mucho pa indica na unda e hobencita aki lo por ta y si e ta na bida ainda.

Ta bon si pa remarca, cu Aruba a wordo poni den un luz negativo pa motibo di e caso aki.

Ta asina cu si nos a sigui locual cu prensa internacional (CNN y FOX) a trece pa dilanti, anto Aruba lo ta e culpabel cu awe e hobencita aki ta perdi.

Laga nos haci un analysis un rato.

E mama ta bay television y ta expresa cu e hoben ta uno ehemplar y cu nunca e lo subi den auto cu hende of hendenan cu e no conoce.

Logicamente ningun mama lo pinta su yiu di otro manera.

Pero kico ta e realidad cu nos aki na Aruba ta confronta tur dia?

Hecho ta cu na E.U. e edad legal pa cumpra y bebe bebida alcoholico ta 21, pero aki na Aruba, conforme e lei Hulandes, e edad ta 18.

Ta pa e motibo aki mes Aruba ta un destinacion hopi desea pa e hobennan Americano.

Hopi di nan ta yega Aruba cu e intencion pa "have fun", sin limite.

Aki nan ta bin pa haci hustamente locual na nan pais ta prohibi. Un gran parti di e hobennan aki ta busca aparte di alcohol, droga tambe pa nan por goza lo maximo, sin tene cuenta cu e consecuencianan. (No mal interpreta mi palabranan y no mal compronde mi, no tin nada pa hustifica si tin algo malo cu por a pasa cu e hoben aki.

Nos no por bisa cu ta e mes a busca pasobra cu e no a bin pa busca malora, sino diberticion).

Despues nan ta bolbe nan pais manera nada a pasa.

Pero e mayornan tambe ta conciente di locual nan yunan ta capaz, sino nan lo no a manda nan cu "chaparonenan".

Awor kico Aruba por a hasi pa preveni e caso lamentabel aki?

Aruba a conoce un departamento specialmente pa mantene y aumenta e seguridad y e calidad di servicionan na e turistanan cu

ta bishita nos dushi isla.

E departamento aki yama TID (Tourism Inspection Department, institui pa medio di "landsbesluit" nr. 1 dd 27 September 2000 / DPO 1194 Gei, firma pa Gobernador, ministro di Husticia Obranen Publico, sr. E. Croes y ministro di Asuntonan Economico, sra. L. Beke-Martinez, cu tin e metanan di aumenta e seguridad y e calidad di servicio na e turista), a wordo anula pa e siguiente ministro di Husticia, sr. Hyacintho (Rudy) Croes, di e gobierno actual (Gabinete Oduber III). Esaki sin ningun motibo valido, a bay den discusion cu sr. Eddie Briessen, ministro di Turismo y Transporte, pa motibo cu e (Rudy) kier a termina cu e departamento aki pa e bin cu otro departamentonan cu e lo por luci despues na momento di hiba campaña politico.

Aki e (Rudy) a usa e mesun manual di TID, pa e por a hustifica su departamentonan. Ta bon pa remarca cu TID, lo a funciona bou di guia di diferente ex

miembronan di cuerpo policial (total 6), cu amplio conocimiento y experiencia den e materia di combatimento di criminalidad.

TID conhuntamente cu DPO, lo a evalua e personal cu tabata riba e asina yama "overtolligheids poel" pa asina hasi uso di e personanan cu ya caba tabata den e aparato gubernamental, pero cu no tabata tin un funcion.

TID lo a haci un evaluacion completo di e area di hotelnan pa asina conhuntamente cu e diferente instancianan concerni, duna consehonan na e gobierno pa mehora e calidad di servicio y mas ainda, pa mehora e seguridad di e turista.

TID ta miembro di NOVA (National Organization Of Victim Assistance, na E.U.) y e personal di TID a haya cursonan pa cuatro siman largo na Boston riba tur e aspectonan di seguridad pa e turista. Probablemente si TID a keda den su funcion, lo a señala e hecho cu hopi hobennan ta bin pa usa alcohol ya cu na nan pais e no ta

permisible y TID lo por a duna sugerencianan pa minimaliza e benta di droga na e turista.

Awe nos ta tende di hopi hende local, incluso di taxistanan, cu nan ta cansa di cada biaha core cu e esnan yama "pushers", cu sin escrupulo ta acerca principalmente e turista, pero nos hendenan local tambe. Supuestamente e tarea di TID a wordo tuma pa Visibility Team, pero (cu tur respet) esaki a laga hopi di desea.

E team aki ta consisti di algun guardia di seguridad bao guia di cuerpo policial, pero sin e experticio necesario.

TID lo a percura pa duna informacion y educacion ariba diferente area pa locual ta regarda e aspectonan di seguridad.

TID lo a mantene lasonan estrecho cu Cuerpo Policial, ATA, AHATA, Taxi Centrale y otro instancianan directamente e indirectamente relativa cu e

**Sigui lesa Pg. 4**

## DISCURSO NACIONAL!!



**BEST DEAL**


Tel: 5827100

(Pariba di Aruba Bank, Paradera)

**BEST SHOPPING DEAL**

Turibana Plaza

Tel: 5865455



**Stand di T.V.**  
Afl. 55,=